



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მალიშევა ტატიანა კაზიმირის ასული



ტ. მალიშევა. მარინა მნიშევი. მ. მუსორგსკის ოპერა „ბორის გოდუნოვი“.

მალიშევა ტატიანა კაზიმირის ასული (დ. 27. V. 1932, თბილისი), საქართველოში მოღვაწე რუსი მომღერალი (მეცო-სოპრანო). საქართვე. სახ. არტისტი (1979). 1955 დაამთავრა მოსკ. კონსერვატორია (ე. ენობოვიჩის კლასი, ვოკალი). 1953-იდან, ჯერ კიდევ სტუდენტობის დროს, იყო თბილ. ოპერისა და ბალეტის თეატრის სოლისტი. შეასრულა მეცო-სოპრანოს მრავალი პარტია, მ.შ. ნანო (ზ. ფალიაშვილის „დაისი“), დარეჯანი (მ. ბალანჩივაძის „დარეჯან ცხიერი“), კარმენი (ჟ. ბიზეს „კარმენი“), მადალენა, ამნერისი, აზუჩენა (ჯ. ვერდის „რიგოლეტო“, „აიდა“, „ტრუბადური“), ჟანა დ'არკი, პოლინა, გრაფინია, ოლგა (პ. ჩაიკოვსკის „ორლეანელი ქალწული“, „პიკის ქალი“, „ევგენი ონეგინი“), ლიუბაშა (ნ. რიმსკი-კორსაკოვის „მეფის საცოლე“), ფროსია (ს. პროკოფიევის „სიმონ კოტკო“) და სხვ. არაერთხელ იყო მიწვეული მოსკ. დიდი თეატრის სცენაზე. ჰქონდა მდიდარი რეპერტუარი. დაჯილდოებულია ღირსების ორდენით (2000).

ლიტ.: გ ა ბ ი ჩ ვ ა ძ ე რ., საინტერესო დებიუტი, „საბჭოთა ხელოვნება“, 1973, № 9; ზ უ რ ა ბ ი შ ვ ი ლ ი ა., ტ. მალიშევას საინტერესო სახეები, იქვე, 1970, №10; ქართული მუსიკის ენციკლოპედიური ლექსიკონი, თბ., 2015.